



新選古今類腋卷之十五

人倫類

君臣

父子

兄弟

夫婦

朋友

君臣



坤文言曰。陰雖有美。含之以從王事。弗敢成也。地道也。妻道也。臣道也。○泰彖曰。上下交而其志同也。○蹇爻曰。王臣蹇蹇。匪躬之故。○繫辭曰。有天地。然後有萬物。有萬物。然後有男女。有男女。然後有夫婦。有夫婦。然後有君臣。有君臣。然後有上下。有上下。然後禮義有所錯。

明良喜起
伊訓曰居上克明
為下克忠。況命
曰天子惟君萬邦
百官承式。惟后
那多不又惟德所
不官。周命曰僕
臣正厥后克正僕
臣謀厥后自聖

大禹謨曰。后克艱厥后。臣克艱厥臣。政乃乂。黎民敏
德。○太甲曰。一人元良。萬邦以貞。君罔以辨言亂舊
政。臣罔以寵利居成功。邦其永孚於休。○洪範曰。惟
辟作福。惟辟作威。惟辟玉食。臣無有作福作威玉食。
臣之有作福作威玉食。其害于而家。凶于而國。○君
陳王曰。爾有嘉謨嘉猷。則入告爾后於內。爾乃順之
于外。曰斯謨斯猷。惟我后之德。嗚呼。人臣咸若時。惟
良顯哉。○呂刑曰。穆穆在上。明明在下。灼於四方。罔
不惟德之勤。

大雅卷阿曰。鳳凰鳴矣。于彼高岡。梧桐生矣。于彼朝
陽。萋萋萋萋。雖韜喑喑。○丞民曰。天監有周。昭假於
下。保茲天子。生仲山甫。

左傳欒共子曰。民生於三。事之如一。父生之。師教之。
君食之。非父不生。非食不長。非教不知。生之族也。故
一事之。唯其所在。則致死焉。報生以死。報死以力。人
之道也。臣敢以私利廢人之道。君何以訓矣。○齊桓
公曰。天威不遠。顏咫尺。小白余。敢貪天子之命。無下
拜。恐墮越於下。以遺天子羞。敢不下拜。下拜登受。此

古今類事 卷五

王賜之昨令
勿拜故云云

周襄王曰。夫政自上下者。上作政而下行之不逆。故上下無怨。今叔父作政而不行。無乃不可乎。夫君臣無獄。今元咺雖直。不可聽也。君臣皆獄。父子將獄。是無上下也。而叔父聽之。一逆矣。又譎臣殺其君。其安庸刑。布刑而不庸。再逆矣。一合諸侯而有再逆政。余惧其無後也。不然。余何私於衛侯。○君人執信。臣人執共。忠信篤敬。上下同之。天之道也。○君能制命。為義。臣能承命。為信。信載義而行之。為利。謀不亡。

衛社稷。民之主也。義無貳信。信無貳命。

晉使解揚如宋使無命楚

楚子得而賂之使反其言不許將殺之故楊云

○晏子曰。君民者。豈以陵民

社稷是主。臣君者。豈為其口實。社稷是養。故君為社稷死。則死之。為社稷亡。則亡之。君為已死而為已亡。非其私暱。誰敢任之。○君正。臣從。謂之順。君僻。臣從。謂之逆。
穀梁曰。君不尸小事。臣不專大名。

緇衣曰。為上可望而知也。為下可述而志也。則君不疑于其臣。而臣不惑于其君矣。○上人疑。則百姓惑。下難知。則君長勞。故君民者。章好以示民俗。慎惡以

御民之淫。則民不惑矣。臣儀行。去聲不重辭。不援其所不及。不煩其所不知。則君不勞矣。

管子曰。人主者。擅生殺。處威勢。操令行禁止之柄。以御其群臣。此主道也。人臣者。處卑賤。奉主令。守本任。治分職。此臣道也。故主行臣道則亂。臣行主道則危。故上下無分。君臣共道。亂之本也。○為人君者。下及官中之事。則有司不任。為人臣者。上供專於上。則人主失威。是故有道之君。正其德以蒞民。而不言智能。聰明智能聰明者。下之職也。所以用智能聰明者。上

利在無功而富貴。主利在豪傑使能。臣利在朋黨用私。是以國地削而私家富。主上卑而大臣重。○賢者之為人臣。北面委質。無有貳心。朝廷不敢辭賤。軍旅不敢辭難。順上之為。從主之法。虛心以待令。而無是非也。故有口不以私言。有目不以私視。而上盡制之。呂覽曰。凡人主以好慕示能。人臣以不諍持位。是君臣皆不定也。耳雖聞不可以聽。目雖見不可以視。心雖知。不可以舉。則君臣之三官。皆不定矣。○主良之使馬也。審之以控其轡。而四馬莫不正。君之于臣。亦

為公也。上好曲私。則臣下百吏乘是而後偏。衡石稱
 縣者。所以為平也。上好傾覆。則臣下百吏乘是而後
 險。斗斛敦槩者。所以為積也。上好貪。則臣下百吏乘
 是而後豐。故正義之臣。設則朝廷不頗。諫爭輔拂之
 人信。則君過不遂。爪牙之士。施則仇讐不作。邊境之
 臣。處則疆垂垂四不喪。○爵祿盈而忠衰於君。
 韓非子曰。君無見其所欲。君見其所欲。臣將自雕琢。
 君無見其意。君見其意。臣將自表異。○主利在有能
 者任官。臣利在無能而得事。主利在有勞而爵祿。臣

鑊之誅而不懼也。尊官顯位而不榮也。

史蔡澤曰。主聖臣賢。天下之盛福也。君明臣直。國之
 福也。父慈子孝。夫信妻貞。家之福也。故比干忠而不
 能存。般子胥智而不能完。郢申生孝而晉國亂。是皆
 有忠臣孝子而國滅亂者。何也。無明君賢父以聽之。
 故天下以其君父為僂辱。而憐其臣子。蓋商君吳起
 大夫種之為人臣是也。其君非也。○為人子者。毋以
 有已為人臣者。毋以有已。○君先而臣從。父先而子

從。此老子語
 孔子之言

儒林傳黃生語。轅固生曰。冠雖敝。必加於首。履雖新。必關於足。何者。上下之分也。

太史公自序曰。人主天下之儀表也。主倡而臣和。主先而臣隨。則主勞而臣逸。

魏陳思王求自試曰。論德而授官者。成功之君也。量能而受爵者。畢命之臣也。故君無虛授。臣無虛受。

三國名臣贊曰。夫未遇伯樂。則千載無一驥。時值龍顏。則當年控三傑。

宋禮志王處之曰。王者之於四海。無非臣妾。雖復父

兄之親。師友之賢。皆純臣也。

後魏張袞曰。昔樂毅杖策於燕。昭公遠委身於魏武。蓋命世雖可期。千載不易遇。遭風雲之會。不建騰躍之功者。非人豪也。

隋列傳論曰。君猶天也。天可讐乎。是以有罪歸刑。見危授命。竭忠貞以立節。不臨難而苟免。

唐高季輔曰。君臣之道。期於相體。不恤其匱。而須其庶正。恐饑寒之切。夷惠不能全其行也。稍加廩賜。使得事父母。養妻子。然後督責其效。則官人畢力矣。

言者之險。乃未
能出。能聚。度。乃
出。之。於。度。日。階
于。元。相。程。昇。後
潤。之。內。始。列。三。君
其。如。君。小。何。臣
云。如。三。君。何。臣
之。心。亦。不。去。也。

光武諸將。半出南陽。蓋帝王啓跡之地。天必儲精聚
靈。使英雄謀畧之士。生乎其間。以備其驅策而為之
股肱羽翼。稽古驗今。其揆一也。

楊慎堞語曰。驂騑有千里之足。造父有千里之手。遇
也。小駟而獲晉惠。長纏而累東野。不遇哉。○作器者
無良材而有良匠。治國者無能臣而有能君。勝者所
用。敗者之基也。興國所用。亡國之臣也。

潘府南山素言曰。天地德合而萬物生。君臣德合而
萬事立。○明君出而中國尊。賢臣用而朝廷重。

父子

蠱爻曰。幹父之蠱。有子。考无咎。厲終吉。象曰。幹父之
蠱。意承考也。○幹父之蠱。用譽。象曰。幹父用譽。承以
德也。○家人彖曰。家人有嚴君焉。父母之謂也。○係
辭曰。乾。天也。故稱乎父。坤。地也。故稱乎母。

康誥曰。子弗祗服厥父事。大傷厥考心。于父不能字
厥子。乃疾厥子。○蔡仲命曰。爾尚克蓋前人之愆。惟
忠惟孝。爾乃邁迹。自身克勤無怠。以垂憲乃後。率乃
祖文王之彛訓。無若爾考之違王命。

魏風陟岵曰陟彼岵音戶兮瞻望父兮父曰嗟予子行

役夙夜無已上慎旃哉猶來無止○陟彼岵起音戶兮瞻

望母兮母曰嗟予季行役夙夜無寐上慎旃哉猶來

無棄○小雅小弁曰維桑與梓必恭敬止靡瞻匪父

靡依匪母不屬于毛言我豈不屬于毛不離于衷言我豈不屬于衷

○小宛曰我心憂傷念昔先人明發不寐有懷二人

○蓼莪曰父兮生我母兮鞠我拊我畜我長我育我

顧我復我出入腹我歆報之德昊天罔極○四牡曰

周道委遲豈不懷歸王事靡盬我心傷悲王事靡盬

不能讀父之書手澤存焉爾母沒而杯圈不能飲焉

口澤之氣存焉爾○祭義曰身也者父母之遺體也

行父母之遺體敢不敬乎居處不莊非孝也事君不

忠非孝也蒞官不敬非孝也朋友不信非孝也戰陣

無勇非孝也五者不遂裁及於親敢不敬乎○樂正

子曰民之本教曰孝其行孝曰養養可能也敬為難

敬可能也安為難安可能也卒為難父母既沒敬行

其身無遺父母惡名可謂能容矣○孝有三小孝用

力中孝用勞大孝不匱思慈愛忘勞可謂用力矣尊

仁安義。可謂用勞矣。博施備物。可謂不匱矣。○樂正子春下堂而傷其足。數月不出。猶有憂色。門弟子曰。夫子之足瘳矣。數月不出。猶有憂色。何也。樂正子春曰。善如爾之問也。善如爾之問也。吾聞諸曾子。曾子聞諸夫子曰。天之所生地之所養。無人為大。言無如人為最父母全而生之。子全而歸之。可謂孝矣。不虧其體。不辱其身。可謂全矣。故君子頃步而弗敢忘孝也。今予忘孝之道。予是以有憂色。○曾子曰。君子之所謂孝者。先意承志。諭父母于道。參直養者也。安能為孝。

乎。○父母將沒。將為善。思貽父母令名。必果。將為不善。思貽父母羞辱。必不果。○夫孝置之而塞乎天地。溥之而橫乎四海。施諸後世而無朝夕。○孝子之事親也。有三道焉。養則觀其順也。喪則觀其哀也。祭則觀其敬而時也。盡此三道者。孝子之行也。○一舉足而不敢忘父母。是故道而不徑。舟而不游。不敢以先父母之遺體行殆。一出言而不敢忘父母。是故惡言不出于口。忿言不及於身。不辱其身。不羞其親。可謂孝矣。○祭統曰。孝也者。畜也。順于道。不逆于倫。

古今類賦 卷五
孝經曰。夫孝始於事親。中於事君。終於立身。○君子之事親孝。故忠可移於君。

管子曰。惠者。主之高行也。慈者。父母之高行也。忠者。臣之高行也。孝者。子婦之高行也。主惠而不懈。則民奉養。父母慈而不懈。則子婦順。臣忠而不懈。則爵祿至。子婦孝而不懈。則美名附。

晏子曰。父慈而教。子孝而箴。

荀子曰。妻子具而孝衰於親。○君子有三恕。有君不能事。有臣而求其使。非恕也。有親不能報。有子而求

其孝。非恕也。有死不能救。有弟而求聽令。非恕也。士明於此三恕。則可以端身矣。○勞苦彫瘁。而能無失其敬。災禍患難。而能無失其義。不幸見惡。而能無失其愛。非仁人莫能行。○入孝出弟。人之小行也。上順下篤。人之中行也。從道不從君。從義不從父。人之大行也。

呂覽曰。人主孝。則名章榮。下服聽。臣孝。則事君忠。臨難死。士民孝。則耕耘疾。守戰固。○父母之於子也。子之於父母也。一體而兩分。同氣而異息。君草莽之有

華實也。若樹木之有根心也。神出乎中。而應乎心。兩精相得。豈待言哉。○父母生之。子弗敢殺。父母置之。子弗敢廢。父母全之。子弗敢闕。

賈誼新書曰。事君之道。不過於事父。故不肖者之事父也。不可以事君。慈民之道。不過於愛其子。故不肖者之愛其子也。不可以慈民。

說苑曰。賢父之於子也。慈惠以生之。教誨以成之。養其義。藏其偽。時其節。慎其施。子年七歲以上。父為之擇明師。選良友。勿使見惡少。漸之以善。使之早化。○

孔子曰。昔舜事瞽叟。索而使之。未嘗不在側。索而殺之。未嘗可得。小箠則受。大箠則走。今曾子委身待暴怒。以陷父不義。不孝孰大乎。此曾子○申鳴曰。始吾

父之孝子也。今吾君之忠臣也。吾聞之。食其食者。死

其事。受其祿者。畢其能。今吾以不得為父之孝子矣。乃君之忠臣也。吾何得以全身。援枹鼓之。遂殺白公。其父亦死。王賞之金百斤。申鳴曰。食君之食。辟君之難。非忠臣也。定君之國。殺臣之父。非孝子也。名不可兩立。行不可兩全也。如是而生。何面目立於天下。遂

自殺也。

楊子曰石建石奮父子之美也。無是父。無是子。無是子。無是父。

漢高帝詔曰。人之至親。莫親於父子。故父有天下。傳歸於子。子有天下。尊歸於父。此人道之極也。

宣帝詔曰。父子之親。天性也。雖有禍患。猶蒙死而存之。誠愛結於心。仁厚之至也。豈能違之哉。

班固曰。父子之間。人所難言。

桓寬曰。善養者。不必芻豢也。善供服者。不必錦繡也。

以已之所有。盡事其親。孝之至也。故匹夫勤勞。猶足以順禮。歡菽飲水。足以致其敬。

齊王僧虔曰。重華無嚴父。放勳無令子。亦各由已耳。顏之推曰。父子之嚴。不可以狎。骨肉之愛。不可以簡。簡則慈孝不接。狎則怠慢生焉。

隋孝義傳論曰。呂覽云。夫孝三皇五帝之本務。萬事之紀綱也。執一術而百善至。百邪去。天下順者。其惟孝乎。然則孝之為德至矣。其為道遠矣。其化人深矣。唐孝行傳載韓愈論曰。父母疾。烹藥餌。以是為孝。未

古今類傳 卷五
聞毀及支體者也。苟不傷義。則聖賢先衆而為之。雖
然委巷之陋。非有學術禮義之資。能忘身以及其親
出於誠心。亦足稱者。

五代唐李從璟不背父贊曰。無父烏生。無君烏以為
生。而世之言曰。為忠孝者。不兩全。夫豈然哉。君父人
倫之大本。忠孝臣子之大節。豈其不相為用。而又相
害者乎。抑私與義而已耳。蓋以其私則兩害。以其義
則兩得。

宋羅從愿曰。父慈。父之福。子孝。子之福。父慈子孝。則

家道隆盛。得不謂之福乎。

明張司空曰。甚矣世之衰也。家有市而國都不與焉。

莫親於父子。而以失業相怨。莫懿於兄弟。而以氣勢交

陵。莫昵於妻妾。而以豐約為悲歡。莫狎於奴僕。而以

盛衰為向背。又何駟儉之足云乎。故遨不治田。嘗見

誚讓矣。身為天子。而與仲比力。乃翁親執掃除之後。

漢高此父子之市也。結髮游學四十餘年。身不得遂。

及為齊相。遍召昆弟數之。曰。始吾貧時。兄弟不我衣

食。今我相齊。迎我或千里。乃與之絕。母復入門。主父

堂名九何智
此後亦與
孝友起自遊

此兄弟之市也。賣薪自給。恥而乞去。出守會稽。而去
妻伏謁道左。隨以詣郡。朱買此妻妾之市也。從游至
燕。燕不得意。欲去。易水之上者。數矣。既其貴顯。賜金
不及。而自言。此蘇秦之此奴僕之市也。

兄弟

舜典曰。象傲克諧以孝。蒸蒸乂。不格姦。○康誥曰。于
弟弗念天顯。乃弗克恭厥兄。兄亦不念鞠子哀。大不
友于弟。

小雅棠棣曰。棠棣之華。鄂不韡韡。凡今之人。莫如兄

弟。○死喪之威。兄弟孔懷。原隰裒矣。兄弟求球矣。○眷

令雋在原。兄弟急難。○兄弟閱于牆。外禦其侮。○喪

亂既平。既安且寧。雖有兄弟。不如友生。○儻爾籩豆。

飲酒之飶。兄弟既具。和樂且孺。○何人斯曰。伯氏吹

壎。仲氏吹箎。○頍弁曰。爾酒既旨。爾殽既嘉。豈伊異

人。兄弟匪他。○角弓曰。此令兄弟。綽綽有裕。不令兄

弟。交相為瘡。也病○黃鳥曰。此邦之人。不可與明。言旋

言歸。復我諸兄。○唐風杖杜曰。豈無他人。不如我同

父。○魏風陟岵曰。陟彼岡兮。瞻望兄兮。兄曰。嗟予弟

也。能春

其于曰兄弟
不相好矣
與和猶
矣

行役。夙夜必偕。上慎旃哉。猶來無死。

左傳惠伯曰。喪親之終也。雖不能死。善終可也。史佚有言曰。兄弟致美。救乏。賀善。弔災。祭敬。喪哀。情雖不同。毋絕其愛親之道也。子無失道。何怨於人。○鄭莊公曰。寡人有弟。不能和協。而使糊其口於四方。○王召士季曰。今我王室之一二兄弟。以時相見。將蘇和協典禮。以示民訓。○襄王曰。兄弟雖有小忿。不廢懿親。○胡傳曰。王者以善養人。推其所為。使百姓興于仁而不偷也。况以惡養天倫。使陷于罪。因以剪之乎。

○兄弟無絕道。雖非之而不去也。君子以叔胙為通恩。

曲禮曰。兄弟之仇。不反兵。○王制曰。兄之齒。德鴈行。朋友不相踰。○擅弓曰。成人有兄死。而不為衰者。聞子臯將為成宰。遂為衰。

孝經曰。敬其兄。則弟悅。

晏子曰。兄愛而友。弟敬而順。

新書曰。事長之道。不過於事兄。故不肖者之事兄也。不可以事長。使下之道。不過於使弟。故不肖者之使

弟也。不可以接下。

白虎通曰。兄者况也。况父法也。弟者悌也。心順而行。薦也。男子先生稱兄。后生稱弟。凡有白于父兄。父兄許之。乃行。父兄不聽。即止。

丁鴻讓封于弟。鮑駿責之曰。昔伯夷吳札亂世權衡。故得申其志耳。春秋之義。不以家事廢王事。今子以兄弟私恩。而絕父不滅之基。可謂智乎。

陳太丘曰。元方難為兄。季方難為弟。

中論曰。蒼梧芮娶妻美。而以讓其兄。欲以為讓也。則不如無讓焉。○兄先而弟從。長先而少從。

顏之推曰。兄弟者。分形連氣之人也。方其幼也。父母左提右挈。前襟後裾。食則同案。衣則傳服。學則連業。遊則共方。雖有悖亂之人。不能不相愛也。及其壯也。各妻其妻。各子其子。雖有篤愛之人。不能不少衰也。姊姒之比兄弟。則踈薄矣。今使踈薄之人。而節量親厚之恩。必不合矣。

李華曰。誰死兄弟。如手如足。

廣訓曰。兄弟者。父子之紀也。以其有親恩連也。

夫婦

固為多悔亡
○無悔道在中
○後有去

恒爻曰。恒其德貞。婦人吉。夫子凶。象曰。婦人貞吉。從一而終也。夫子制義從婦凶也。○小畜爻象曰。夫妻反目。不能正室也。○蒙爻曰。見金夫。不有躬。无攸利。○家人彖曰。女正位乎內。男正位乎外。男女正。天地之大義也。○爻曰。家人嗃嗃。悔厉吉。婦子嘻嘻。終吝。象曰。家人嗃嗃。未失也。婦子嘻嘻。失家節也。○王假有家。交相愛也。程傳曰。夫愛其內。助婦受其刑家。○睽彖曰。男女睽而其志通也。○繫辭曰。男女構精。万物化生。○夫婦

之道不可以不久也。故受之以恒。牧誓。古人有言曰。牝雞无晨。牝雞之晨。惟家之索。今商王受。唯婦言是用。

周南閔睢曰。閔閔睢鳩。在河之洲。窈窕淑女。君子好逑。○螽斯曰。螽斯羽。詭々兮。宜爾子孫振振兮。○鄭風鷄鳴曰。女曰鷄鳴。士曰昧旦。子興視夜。明星有爛。將翔將翔。弋鳧与鴈。○邶風擊鼓曰。死生契濶。与子成說。執子之手。与子偕老。左傳申繻曰。女有家。男有室。无相瀆也。謂之有礼。易

此必敗。○如人迎送不出門。見兄弟不踰閭。○男而賢也。得淑女以為配。則自家刑國。可以移風俗。女而質也。得君子以為歸。則承宗廟。奉祭祀。能化天下。以婦道。○胡傳曰。以妾媵為夫人。徒歆尊寵其所愛。而不虞卑其身。以妾母為夫人。徒歆尊貴其所生。而不虞賤其父。卑其身。則失位。賤其父。即无本。○諸侯不再娶。於礼无二造。○往逆則稱王。后從天王所命。天下之母儀也。既歸。何以稱季姜。從父母。所子化天下。以婦道也。○絕不為親禮也。夫絕不為親中。即凡

耳。哀公問曰。妻也者。親之主也。敢不敬與。子也者。親之後也。敢不敬與。君子無不敬也。敬身為大身也者。親之枝也。敢不敬與。○外言不入於捆。內言不出於捆。同○郊特牲曰。婦人從人者也。幼從父兄。嫁從夫。夫死從子。夫也者。以知帥人者也。○婦人無爵。從夫之爵。坐以夫之齒。○昏義曰。成婦禮。明婦順。又申之以著代。所以重責婦順也。婦順備而後內和。內和理而後家可長久也。古者天子后立六宮。三夫人。九嬪。七十一世婦。八十一御妻。以聽天下之內治。以明

古今類用
卷三
章婦順。故內治而家理。天子立六官。三公九卿。二十七大夫。八十一元士。以聽天下之外治。以明章天下之男教。故外和而國治。故曰。天子聽男教。后聽婦順。天子理陽道。后治陰德。天子聽外治。后聽內職。教順承裕。外內和順。國家治理。此之謂盛德。○天子之與后。猶日之與月。陰之與陽。相須而後成者也。天子修男教。父道也。后修女順。母道也。故曰。天子之與后。猶父之與母也。○男女有別。而後夫婦有義。夫婦有義。而後父子有親。父子有親。而後君臣有正。

國語趙姬曰。夫得寵而忘舊。不義。好新而慢故。無恩。與人勤於隘厄。富貴而不顧。無禮。君棄此三者。何以使人。雖妾亦無以待執巾櫛。○杞梁妻曰。夫婦人必有所倚者。父在則倚父。夫在則倚夫。子在則倚子。今吾上則無父。中則無夫。下則無子。內無所倚。以見吾誠。外無所倚。以見吾節。吾豈能更二哉。亦死而已。○貞姬曰。忠臣不借人以力。貞女不假人以色。豈獨使生者若此。於死者亦然。○家語曰。男子者。任天道。而長萬物者也。是故審其倫。

而明其別。女子者。順男子之教。而長其理者也。是故無專制之義。而有三從之道。

晏子曰。夫和而義。妻柔而正。

韓非子曰。夫婦者。非有骨肉之恩者。愛則親。不愛則疏。語曰。其母好者。其子抱。然則其為之反也。其母惡者。其子釋。丈夫年五十。而好色未解也。婦人年三十。而美色衰矣。以衰美之婦人。事好色之丈夫。則身見疏節。而子疑不為後。

通曰。夫者。扶也。以道扶接也。婦者。服也。以禮屈

服。○何謂妻為。與夫齊體。自天子下至庶人。其義一也。妾者。接也。以時接見也。

文中子曰。婚姻而論財。夷虜之道也。君子不入其鄉。古者男女之族。各擇德焉。不以財為禮。

史外戚傳曰。自古受命帝王。及繼體守文之君。非獨內德茂也。蓋亦有外戚之助焉。夏之興也。以塗山而桀之放也。以妹喜。殷之興也。以有莘。而紂之殺也。嬖妲己。周之興也。以姜原。而幽王之禽也。淫於褒姒。故易基乾坤。詩始閔睢。書美厘降。春秋訖不親迎。夫婦

禮本夫婦。始於
后妃。始於田之具
亡。係焉。盛德之
君。惟存。乘與。東
謂。不。干。于。朝。外。言
不。納。諸。相。國。府。之
風。以。形。史。之。化。竹。枝
許。苑。愷。行。更。為
內。助。若。夫。純。璧。之
與。常。在。中。主。第
相。既。播。知。情。與
受。廷。類。詞。媚。熟
物。之。為。私。奪。非。易
昏。之。明。宰。小。此。之
系。陰。之。似。出。始。愛
而。不。法。現。行。已。致
及。相。之。為。好。左。右
附。之。恆。主。其。之。狡
得。誠。其。修。先。主。將
假。其。究。初。天。下。之
竟。已。去。而。情。亦。自

之際道之大倫也。

漢郭后紀曰。物之興衰。情之起伏。理有固然矣。而崇替去來之甚者。必惟寵惑乎。當其接床第。承恩色。雖險情贅行。莫不德焉。及至移意愛。析燕私。雖慮心妍。狀愈厭醜。焉愛升。則天下不足容其高。歡隊。故九服無所逃其命。

曹世叔女誡曰。夫婦之道。參配陰陽。通達神明。信天地之私義。人倫之大節也。夫不賢。則無以御婦。婦不賢。則無以事夫。夫不御婦。則威儀廢缺。婦不事夫。則

義禮墮闕。

隋烈女傳曰。夫稱婦人之德者。皆以柔順為先。斯乃舉其中庸。未臻其極者也。至於明識遠圖。貞心峻節。志不可圖。惟義所在。考之圖史。亦何世而無哉。宋濟曰。王者立后。配天地。象日月。以承宗廟。以母天下。宜擇禮義名家。幽閑令淑。副四海之望。稱神祇之意。

宋倪思曰。人之治國。必自齊家始。家之不齊者。不能防其漸也。始於褻狎。終於恣橫。至於陰陽易位。內外

無別

真德秀曰。夫之道在敬身。以帥其婦。婦之道在敬身。以承其夫。

遼烈女傳曰。男女居室。人之大倫。與其得烈女。不若得賢女。天下而有烈女之名。非幸也。詩。夙衛共姜。春秋。褒宋伯姬。蓋不得已。所以重人倫之變也。

金后妃傳載班昭語曰。婦德不必才明絕異也。婦言不必便口利辭也。婦容不必顏色美嚴也。婦功不必工巧過人也。清閑貞靜。守節整齊。行已有耻。動靜有

法。是謂婦德。擇辭而說。不道惡語。時然后言。不厭於人。是謂婦言。盥浣塵穢。服飾鮮潔。沐浴以時。身不垢辱。是謂婦容。專心紡績。不好嬉笑。潔齊酒食。以奉賓客。是謂婦功。

薛文清曰。男女之情。天下之至情。聖人能適其情。故家道正而人倫明。

章懋上武宗謹大婦疏曰。必有關雉鵲巢之德。葛覃。樛木之行。足以毋儀萬國。表正六宮。然後定后妃之位。以正天下之本。以對上天之丕顯休命。則禮行告

廟史無愧辭。非惟古訓不違。尤於孝道有光。儀刑四海。垂法萬世。而文王二南之化。復見於今日矣。

朋友

坤卦曰。西南得朋。東北喪朋。○無交而求。則民不與也。

小雅棠棣曰。雖有良朋。況也永歎。言不來。急其難。必須兄弟也。○

車牽曰。雖無好友。式燕且喜。○邶風匏有苦葉曰。招

舟子。人涉卬否。人涉卬否。卬須我友。卬。莫也。

左傳曰。同官為寮。吾嘗同寮。敢不盡心乎。○胡傳曰。

君子有更相汲引。交好以為公。小人有互相朋黨比

周以為私。其迹雖同而情異。不可不察也。

曲禮曰。見父之執。不謂之進。不敢進。不謂之退。不敢

退。○交遊之仇。不同國。○君子不盡人之歡。不竭人

之忠。以全交也。○儒行曰。僚友稱其弟也。執友稱其

仁也。交游稱其信也。

家語曰。白頭如新。傾蓋如故。

晏子曰。正士之義。其交友也。論身義行。不為苟戚。不

同則疎。而不悻不毀。邪人之行。交友苟合。不以道持。

古今類用
諛巧比姦邪。夸體貌。○君贈人以軒。不若以言。今夫蘭本三年而成。湛之苦酒。君子不近。庶人不佩。湛之糜醢而賈匹馬矣。所蕩然也。嬰聞之。君子居必擇居。游必就士。汨常移質。不可不慎。

荀子曰。同游而不見愛者。吾必不仁也。交而不見敬者。吾必不長也。臨財而不見信者。吾必不信也。○得賢師而事之。則所聞者堯舜禹湯之道也。得良友而友之。則所見者忠信敬讓之行也。○士有妬友。則賢交不親。君有妬臣。則賢人不至。

身日進于仁義而不
自知者。靡傍然也。

品覽曰。同氣賢於同義。同義賢於同力。同力賢於同居。同居賢於同名。

白虎論曰。朋者黨也。友者有也。同門曰朋。同志曰友。一人有善。其心好之。一人有惡。其心惡之。貨則通而不計。共憂患而相救。生不屬死。不託。

說苑曰。上士可以托色。中士可以托辭。下士可以托財。

文中子曰。以勢交者。勢傾則絕。以利交者。利窮則散。○聞謗而怒者。讒之囿也。見譽而喜者。佞之媒也。絕

昔鮑肆有怪。仲為之不內。賢曰。馬為知己者死。士為知己者死。鮑肆子亡天下。莫我知者。用水漿。此之謂心。同。聚德。道。以。際。潘。者。其。以。則。王。陽。登。而。貢。公。其。年。生。逝。而。國。子。悲。在。張。款。款。于。下。象。天。破。陶。于。水。女。亦。是。也。矣。○古人之交。奔北。知其不怯。取多。知其不貪。故交可。終。厥。自。伐。木。息。响。谷。風。與。其。其。其。于。消。費。于。不。可。成。

氣之於德
於得鼓念
虞之字望
于金石

相成同欲相趨同利相死。

張耳陳餘論曰。張耳陳餘始居約時。相然信以死。豈
顧問哉。及據國爭權。卒相滅亡。何鄉者相慕用之誠
後相倍之矣也。豈非以利哉。名譽雖高。賓客雖盛。所
由殆與秦伯延陵季子異矣。

蔡邕曰。富貴則人爭趨之。貧賤則人爭去之。是以君
子慎人所以交已。審已所以交人。富貴則無暴集之
容。貧賤則無棄舊之實。故原其所以來。則知其所以
去。見其所以始。則知其所以終。

朱穆絕交論曰。交道之難。未易言也。世稱管鮑。次則
王貢。張陳。凶其中。蕭朱。隙其末。故知全之者鮮矣。
游雅論高允曰。知人固不易。人亦不易。知鍾期。上聽
於伯牙。夷吾見明於鮑叔。良有以也。

晉阮子政論曰。夫交游者。儔黨結於家。威權傾其國。
或以利厚而比。或以名高而求。同則譽廣。異則毀深。
朝有兩端之議。家有不協之論。至父子不同好。兄弟
異交友。破和穆之道。長爭訟之原。

唐李絳曰。朋黨者。尋之則無迹。言之則可疑。小人常

以利動。不顧忠義。君子者。遇主知則進。疑則退。故常
為奸人所乘。夫聖人同迹。賢者求類。是同道也。非黨
也。趨利之人。常為朋比。同其私也。守正之人。常遭搆
毀。違其私也。

宋歐陽脩曰。君子以同道為朋。小人以同利為朋。小
人所好者利祿。所貪者財貨。當其同利之時。暫相黨
引。以為朋者偽也。及其見利而爭先。或利盡而反相
賊。雖兄弟親戚。不能相保。君子則不然。所守者道義。
所行者忠信。所惜者名節。以之脩身。則同道而相益。

以之事國。則同心而共濟。

程子曰。責善之道。要使誠有餘。而言不足。則於人有
益。而在我者無自辱矣。

張子曰。人之有朋友。不為燕安。所以輔佐其仁。今之
朋友。擇其善柔以相與。拍肩執袂。以為契合。一言不
合。怒氣相加。朋友之際。欲其相下不倦。故於朋友之
間。主於敬者日相親。

范華陽曰。與賢於己者處。則自以為不足。與不如己
者處。則自以為有餘。自以為不足。則日益。自以為有

大草虫鳴。列車
蒼龍。虎嘯。高
風起。故使。傳。感
雲。房。雲。蒸。騰。心
相。召。星。流。電。激。心
同。琴。瑟。言。懽。舒。郁
于。商。雀。道。燠。沫
志。婉。志。于。坎。虎
。周。歌。薛。邑。學
彈。劍。于。楓。溪。竹
。智。夷。門。梓。花。園。子
。伊。子。室。惟。成。風。之
。勤。如。思。通。神。流。水
。之。信。清。音。入。龍。况
。夫。志。合。者。遠。心
。可。操。情。路。者。商
。師。字。忘

餘則日損。

謝上蔡曰。申頴自謂不可一日無侯。無可。或問其故。曰。無可能攻人之過。一日不見。則吾不得聞吾過矣。游廣平曰。古人無友。不如已者。尚友之道也。求得賢者。尚而友之。則聞其所不聞。見其所不見。而德日起矣。此仲尼所以期子夏之日進也。

胡五峰曰。能攻人實病者。至難也。能受人實攻者。為尤難。人能攻我實病。我能受人實攻。朋友之義。其庶幾乎。不然。其不相陷而為小人者。幾希矣。

